

# QVÆSTIO MEDICA

## QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS XIII. NOVEMBRIS.

M. PETRO LEGIER, Doctore Medico, Moderatore.

*An φιλόδοξοις habitiores?*

**O**PTIMA caduci corporis constitutio in hoc maximè consistit, quòd partes debitæ temperiæ & legitimæ ad se inuicem proportionem donatæ, bellum omnino & in omni dimensione perfectum corpus constituent. Hanc corporis prærogatiuam velut propriam sobolem procreat omnium liquidorum motio, quæ totam corporis machinam prout decet irrigantia æqualem æquali sui ipsius portionem distribuunt, vnde firma & robusta actionum omnium virtus enascitur. Ecquid enim humor singulis partibus affusus præstat, nisi reparet quod amissum est, aut restituat quod ex ordine dejectum? Tunc pars eodem quo ante vigore donata, ad functiones alacrius infurgit, & omnibus quibus scatebat excrementis liberata, robustum ac constantem euexias gradum obinet. Purius porrò pars redditur ab ipsis liquidis, dum scilicet leuiori & jucundiori motu succussa, quidquid sibi non accommodatur ( in hoc enim excrementi natura constituitur ) conspirantibus fibris, victrici conatu foras protrudit. Quòd si aduenientis robor commorantis torpore atque inertia minus sit, prioris irrita pugnâ, postremi felicius certamen, sed corpori tandem nociturum.

**H**IC corporis status in solo vtero acquiritur ex solidioribus principiis, per illud *πρὸ σπέρματος* compactis atque agglutinatis, exinde tantum conseruari non comparari potest. Etenim cum à partium omnium *συντολῇ* maximè pendeat, non talis est vis cordis, vt hanc formam largiri valeat. Imo filamenta, hujus habitus fundamentum & basis, sæpius ita disrumpuntur atque corroduntur à subtilioribus huc & illuc fluentibus humoribus, vel etiam ita coardantur & vniuntur, vt vel nullam, vel minimam, vel adulteram excipiant tantummodo materiam. Vade triplex habitus colligitur: nocens verò materia allecta aut corde propulsa tamdiu spatia occupat, donec viam, liquidorum intimas partes alluentium fluxus atque refluxus, nec non etiam ipsius membri motio, ad exeundum facilem præbuerit. Quòd si loca vacua statim impleantur, pristina corporis habitudo accuratè conseruatur. Verùm non semper suppetit accommodata materia, nec impellens causa satis virium obinet, ex quo à pulchritudine corpus decedit.

**R**ISVS lætitiæ ferè semper comitatur, estque repentina aëris pulmonis anfractus occupantis per fauces exclusio, propter subitam sanguinis à corde in pulmones motionem. Hanc sequitur vox grata & jucunda etiam *ἀμφορὸς*, faciei musculi in lætitiæ consentientes, conceptum in intimis risum explicant. Atque vt lætitiæ affectionum prima fœtum afficit, sic risus, siue sanguinis in pulmones effusio, primus est motus quo animam gratè commoueri propter bonum quo fruitur, testatur. Cum scilicet alimentum purum ad primam *πυρφόρῃ* siue cor instillauit, tunc necessariò motu adaperturn, liquorem in circumambientem partem *κρηττόν* emisit, ex hac ad constituendas partes amandandum. Atque hæc est *γλυκύτης ποσὶς* dignitas, corporis basim efficit simul & lætitiæ, cum è contra *ἀκροβόλῃ* *ἀσέπῃ* & habitum debilem & tristitiæ inuehant: hoc est quoniam materia agrestis est & ingrata, cordis ostiola constringit, nec vltra præscriptos limites finit expatiari, imbecillis & lentus cordis motus particulas totum corpus intimè composaturas prout decet non potest aptare, quod, vitium toti importat, licet prima labes materiæ debeatur adscribi, à qua cordi, dum illius cavitates subit, communicatur, toti mox corpori communis futura.

**Q**VOS in vtero animi affectus habuit fœtus, eosdem grandior factus retinet, & vix aut saltem difficulter immutare potest. Qui risit in naturæ ergastulis puer, ridet & liber. Atque vt *ἀρχή* risus integri temperatiquè liquoris erat index, sic *ὕπερογενὴς* suis omnibus numeris absolutum corpus arguit: vterque siquidem boni habitus dos est peculiaris. Cum autem risus natura motu compleatur, si quid sit infensum in meatibus reconditum expasso pectore, & vasorum liquore celerius quàm antea agitato foras erumpit in naturæ pleniorē vindictā: sic se ampliānt vitalia, & commodo risu capax cordi regiam adornant in fidem & tesseram luculentioris foci, cujus penuriā ad ridendum procliuas sensim extinguitur, ideò iuuenes senibus magis ioculares: cordis quoque & cerebri *αἰσῶσις* risum jugulat, nec enim illius cornea fibra facili ad risum obsequio explicari, aut cerebrum *αἴνῃ* tam expeditè moueri potest.

**A**D risum itaque indoles boni habitus adoptione venit & perseverat, nec risus tamen vnus pulmonis aut thoracis, hunc etiam partes remotiores participant, dum scilicet sanguis in pulmones effusus in cor resilit, inde majori impetu, ad corporis extima descensus: partes nouo hospite adauctæ ab obscuris quibus premebantur incommodis vindicantur, & florenti liquore appulso, concitati in thorace risus splendida habent indicia. Cerebrum frigidis curarum fomentis *ἀλκιδύλον* sponte in somnum laxatur. Ira quæ furor brevis est, rara est aut citò placabilis. Ventrículus quoque in tam salubris motus partem venit, dum quæ complectitur melius & citius elaborat, & vires ad ea quæ post modum comprehensurus est, in liquorem commutanda, acquirit. Risus enim in cavitates calorem effundit, & è cavitatibus liquorem exhaurit, licet compressione vtrumque peragat. Sic risus *ἀντιπαρ-* γῆ & vitale naturalemque familiam beat.

*Ergo φιλόδοξοις habitiores.*

## DOMINI DOCTORES DISPVATVRI.

M. Franciscus Gouel.

M. Petrus Crescé.

M. Petrus le Large.

M. Ant. Io. Morand.

M. Michael Deniau.

M. Claudius de Frades.

M. Claudius Seguin, Christianis. Reg.

Matris primarius Medicus.

M. Sebastianus Rainsant.

M. Nicolaus Brayer.



Proponebat Lutetiæ LVDOVICVS MORIN Cenomanus, A. R. S. H. M. DC. LXIV.